



御選唐宋詩醇卷之四十六

山陰陸游詩五

目錄

東村散步有懷張漢州

將軍行

古別離

望夫石

古別離

偶懷小益南鄭之間悵然有賦

卷四十六

欲出遇雨

看鏡

夜分不寐起坐園中至旦

步至湖上寓小舟還舍

笙篴謠寄季長少卿

悶極有作

三峽歌

贈道流

艾如張



郊行夜歸書觸目

歲暮感懷

山園雜詠

雨夜書感

春晚雜興

夜歸

三月十一日郊行

路傍曲

秋夜

卷十六

舍北晚眺

初冬感懷

聞雁

枕上偶成

舍北閒望作六字絕句

雨夜有懷張季長少卿

客言來自上臬道中以其語作一絕

殘臘

懷舊

幽居初夏

晨起

六月二十四日夜分夢范至能李知幾尤延之同
集江亭諸公請予賦詩記江湖之樂詩成而覺忘
數字而已

題韓運鹽竹隱堂絕句

舟中詠落景餘清暉輕橈弄溪渚之句蓋孟浩然
耶溪泛舟詩也因其句爲韻賦詩

秋夜紀懷

卷四十六

舍北搖落景物殊佳偶作

夜坐

隴頭水

書志

書憤

小舟遊西涇度西岡而歸

春行

閒身

舍北行飯書觸目

雪夜感舊

雜感 小園雜賦

蘭 中興感舊賦目

感舊 感興十韻

露坐

新秋 重九

秋夕露坐作

感秋

新涼

卷四六

豐歲

小舟過吉澤效王右丞

秋晴見天際飛鴻有感

戊午重九

舟中

冬日感興十韻

庵中晨起書觸目

春日小園雜賦

沈園

讀晉書

春晴自雲門歸三山

夜聞姑惡

讀前輩詩文有感

讀隱逸傳

秋陰

秋懷

秋思

冬晴與子坦子聿遊湖上

卷四十六

齋中弄筆偶書示子聿

夢中作遊山絕句

北望感懷

人日東園

枕上作

長千行

小橋

觀畫山水

示友

十月

梅花

對酒戲詠

先少師宣和初有贈晁公以道詩云奴愛才如藹
穎士婢知詩似鄭康成晁公大愛賞今逸全篇偶
讀晁公文集泣而足之

追感往事

卷四十六

六

自序

卷四十六

卷四十六

卷四十六

卷四十六

卷四十六

卷四十六

御選唐宋詩醇卷之四十六

山陰陸游詩五

東村散步有懷張漢州

扶杖村東路。秋來始此回。寒鴉盤陣起。野菊臥枝開。憂國丹心折。懷人雪鬢催。房湖八千里。那得尺書來。

將軍行

將軍入秦平燕策。持笏榻前親指畫。天山熱海在日中。下殿卽日名烜赫。馳出都門雪初霽。直過黃河冰未拆。繡旗方掠桑乾渡。羽檄已入金臺陌。勇士如鷹健欲飛。孱王似兔免何勞。搦戎服押俘獻廟社。正衙第賞頒詔冊。端門賜醕天下慶。御觴尙恨滄溟迮。從來文吏喜相輕。聊遣濡毫書竹帛。

古別離

孤城窮巷秋寂寂。美人停梭夜歎息。空園露溼荆棘枝。荒蹊月照狐狸迹。憶君去時兒在腹。走如黃犢翁未識。紫姑吉語元無據。况憑瓦兆占歸日。嫁來不省出門前。魂夢何因識酒泉。粉絳磨鏡不忍照。女子盛時無十年。詞意俱老絕去模擬之迹。而與古爲化。



東風望夫石 送人 欲發 欲辭 欲遊 欲思 欲歸 欲知 欲春 欲自 欲

送君遠成交河北男兒自以身許國不能彎弓騎惡馬
欲隨君去何由得登山矯首西北雲形容雖變心猶存
月明夜夜照淚痕鐵心石腸輸與君 君欲 君欲 君欲 君欲
不煩刻劃而意已獨至 君欲 君欲 君欲 君欲

古別離 未 對 山 對 水 對 雲 對 木 對 石 對 草 對 花 對 風 對 雨 對 日 對 月 對 天 對 地 對 人 對 己 對

君北遊司并我南適熊湘邂逅淮陰市共飲官道傍大
夫各有懷窮達詎可量臨別一取醉浩歌神激揚勳業
有際會風雲正蒼茫亂點劍鋒血苦寒芒屢霜死即萬

卷四十六

二

鬼鄰生當致虞唐丹雘不須盟我非兒女腸

構思深出語警不獨摩浣花之壘亦兼入青蓮之室

偶懷小益南鄭之閒悵然有賦

西戍梁州鬢未絲 嶓山漾水幾題詩 劍分蒼石高皇迹

原注 嶓豕廟傍有高嶓山 漾水 題詩 劍分 蒼石 高皇迹

皇試 劍石 中分 如 截 巖擁朱門老子祠 原注 三泉道上 有 老 君 洞 景 趣

幽 遂燒免驛亭微雪夜騎驢棧路早梅時登臨不用頻悵
斷未死安知無後期

欲出遇雨

東風吹雨惱遊人滿路新泥換細塵花睡柳眠春自懶

誰知我更嬾於春

我更嬾於春五字新鮮

看鏡

凋盡朱顏白盡頭神仙富貴兩悠悠胡塵遮斷陽關路
空聽琵琶奏石州

七十衰翁臥故山鏡中無復舊朱顏一聯輕甲流塵積

不爲君王戍玉關

原注馬正惠公喜功名每曰幸未甚衰若有邊警願預征行得良馬數疋

輕甲一聯足矣

盧世淮曰少陵勦業類看鏡彼簡而饒此盡而暢

卷四十六

三

夜分不寐起坐園中至旦

涼氣蘇衰疾幽情入杖藜月驚孤鵲起天帶眾星西
菊今彭澤山川古會稽清吟殊未愜喔喔已晨雞

領聯對句似奇語道出正可一粲等閒言語變瑰奇殆

謂是耶

步至湖上寓小舟還舍

病墮支離境閒尋漫浪遊湖平天鏡曉山峭石帆秋
餘酒家家許看花處處留歸途倦扶杖卻上釣魚舟

笠篔謠寄季長少卿

庭樹非不榮。霜實萬葉枯。朋友豈我棄。漸遠勢自疎。中
夜起太息。發篋覓舊書。塵昏蠹蝕損。行缺字欲無。一讀
色已變。再讀涕淚濡。卷書置篋中。寧使飽蠹魚。

悶極有作

貴已不如賤。狂應又勝癡。新寒壓酒夜。微雨種花時。堂
下藤成架。門邊枳作籬。老人無日課。有興卽題詩。

三峽歌

乾道庚寅予始入蜀。上下三峽屢矣。後二十五年歸
畊山陰。偶讀梁簡文巴東三峽歌。感之擬作。

卷四十六

四

十二巫山見九峯。船頭彩翠滿秋空。朝雲暮雨渾虛語。
一夜猿嘯明月中。

我遊南賓春暮時。蜀船曾繫挂猿枝。雲迷江岸屈原塔。
花落空山夏禹祠。

取境清絕一洗陽臺慣語。爲巫山生色。

贈道流

憶在長安爛漫遊。大明宮闕與雲浮。今朝偶上慈恩塔。

北望茫茫禾黍秋。

原注唐含元殿與慈恩塔南北相直

贈道流而及此。蓋自性情流出者。

三盃兀兀復騰騰。服氣燒丹總不能。借問生涯在何許。
孤舟風雨伴漁燈。

艾如張

錦膺繡羽名山雞。清泉可飲林可栖。稻梁滿野棄不啄。
雖有奇禍無階梯。東村西村煙雨晚。蕭艾離離林薄淺。
翩然一下駭機發。汝雖知悔安能免。漢家天子南山下。
萬騎合圍窮日夜。犬牙鷹爪死不辭觸。機折頸吁可悲。
寓意深至意凡三折。李賀作不能及也。

郊行夜歸書觸目

卷四十六

五

老翁病起厭端居。隨意東西不問途。霜野草枯鷹欲下。
江天雲溼雁相呼。空垣破竈逃租屋。青帽紅燈賣酒墟。
未畏還家踏泥潦。園丁持炬小兒扶。

歲暮感懷

我家釋耒起遠自東封。前詩書守素業。蟬聯二百年。長
老日零落念之心。惕然每恐後生輩。或爲利欲遷我少。
亦知學蹭蹬及華顛。訟過豈不力壽非金石。堅

我壯已早衰。晨鏡每惆悵。藥物姑自持。耆老曷敢望。造
物有乘除。貧悴博無恙。歸鄉更多感。朋舊盡凋喪。客來

多避席。謂我丈人行。此意詎敢忘。報子以直諫。
士生始志學。固爲聖人徒。人人可稷卨。世世皆唐虞。仰
事與俯育。治道無絕殊。孔孟之所傳。世俗顧謂迂。申韓
尙刻薄。老莊競虛無。爾車非不良。盍行九軌途。
在昔祖宗時。風俗極粹美。人材兼南北。議論忘彼此。誰
令各植黨。更仆而迭起。中更夷狄禍。此風猶未已。臣不
難負君。生者固賣死。儻築太平基。請自厚俗始。
學有根柢。故體製肅括。意指宏深。大家風力。非徒事吟
咏者流也。

卷四十六

六

文集論選用西北士大夫。劄子天聖以前多取北人南
方士大夫沈抑者多。仁宗照知其弊。公聽並觀兼收博
采。無南北之異。及紹聖崇寧間。取南人更多。而北方士
大夫復有沈抑之歎。陳瓘獨見其弊。昌言於朝曰。重南
輕北。分裂有萌。嗚呼。瓘之言天下之至言也。

山園雜詠

殘春終日在林亭。散髮披衣醉復醒。科斗已成鼃閣閣。
櫻桃初結子青青。魚遊滄海寧濡沫。禽慕雕籠卽剪翎。
薄晚東風吹小雨。笑攜長鏡伴畦丁。

意雖刻露語自新穎

雨夜書感

宦遊四十年。歸逐桑榆暖。皇恩念黎老。一官猶置散。春
殘桃李盡。風雨閉空館。有懷無與陳。萬事付酒椀。近代
固多賢。吾意終不滿。可憐杜拾遺。冒死明房瑄。慷慨詎
非奇。經綸恨才短。羣胡穴中原。令人歎微管。
以古喻今。當爲張浚而發。本傳云。言者論游力說張浚
用兵免歸。則浚之罷游。未必不爲之言。故以甫之救瑄
自比浚之與瑄。僨事如一。富平再敗。與陳陶青坂何以
異。詩深嘆其才短。固不誣也。

卷四十六

七

春晚雜興

池面萍初紫。牆頭杏已青。攜兒撐小艇。留客坐孤亭。相
法無俟骨生年。直酒星正須遣。萬事莫遺片時醒。

方回曰。留客坐孤亭。雖非奇句。卻極有味。五六亦新
異。

夜歸

疎鐘渡水來。素月依林上。煙火認茅廬。故倚船篷望。
妙語似王融江皋曲。

高三月十一日郊行

到處人家可乞漿。槐陰巷陌午風涼。水陂漫漫新秧綠。
山隴離離大麥黃。父子力耕春漸老。婦姑共績夜猶長。
堯民擊壤雖難繼。芹美懷君未敢忘。

路傍曲

淒涼路傍曲。朱門人不知。秋街槐葉落。正是斷腸時。

秋夜

鐙欲殘時酒半消。斷碁疎雨共無憀。老來萬事渾非昔。
惟有詩情似灞橋。

卷四十六

舍北晚眺

紅樹青林帶暮煙。並橋常有賣漁船。樊川詩句營邱畫。
盡在先生拄杖邊。

自然入畫

初冬感懷

落葉埽還積。斷鴻飛更鳴。羸軀得霜健。老眼向書明。
水瘦河聲壯。萁枯馬力生。竟為農父死。白首負功名。

聞雁

霜高木葉空。月落天宇黑。哀哀斷行雁。來自關塞北。江

湖稻梁少念汝安得食蘆深洲渚冷歲晚霰雪逼不知
重雲外何處避畢弋我窮思遠征羨汝有羽翼
意入風騷格逼漢魏與杜陵相當真乃不復多讓

枕上偶成

放臣不復望修門身寄江頭黃葉村酒渴喜聞疎雨滴
夢回愁對一燈昏河潼形勝寧終棄周漢規模要細論
自恨不如雲際雁南來猶得過中原

舍北間望作六字絕句

潘岳一篇秋興李成八幅寒林舍北偶然倚杖盡見古

人用心

卷四十六

九

善畫似真以對面取之用意微妙

雨夜有懷張季長少卿

放翁雖老未忘情獨臥山村每自驚鼎鼎百年如電速
寥寥一笑抵河清梅初破藹行江路鐙欲成花聽雨聲
正用此時思劇飲故交零落愴餘生

潘問奇曰河清如此用形容殊苦

客言來自上臯道中以其語作一絕

日曬霜融作淺泥酒家卻在斷橋西五陵今代無豪傑

獨臥茅簷聽午雞

殘臘

殘臘無多日。吾生又一年。林塘明夕照。墟落淡春煙。山色危欄角。梅花綠酒邊。歲時元自好。老病獨悽然。

懷舊

翠崖紅棧鬱參差。小益初程景最奇。誰向豪端收拾得。李將軍畫少陵詩。

張完臣曰。又是一蜀道佳話。

幽居初夏

卷四十六

十

湖山勝處放翁家。槐柳陰中野徑斜。水滿有時觀下鷺。草深無處不鳴蛙。籜龍已過頭。番筍木筆猶開第一花。歎息老來交舊盡。睡餘誰共午甌茶。

寫得幽字意出

潘問奇曰。頸聯對句更勝

晨起

齒豁不可補。髮脫無由栽。清晨明鏡中。老色蒼然來。餘年亦自惜。未忍付酒杯。抽架取我書。危坐闔復開。萬世見唐堯。夔龍獲親陪。寥寥三千年。氣象挽可回。豈以七

尺軀願受世俗衰。道在無不可。廊廟均蒿萊。
約旨植義真。力彌滿清晨。十字亦有蒼然之氣。

六月二十四日夜分夢范至能李知幾尤延之同
集江亭諸公請予賦詩記江湖之樂詩成而覺忘
數字而已

露簷霜筠織短蓬。飄然來往澹煙中。偶經菱市尋谿友。
卻揀蘋汀下釣筒。白菡萏香初過雨。紅蜻蜓弱不禁風。
吳中近事君知否。團扇家家畫放翁。

風流自賞夢中亦。應得意五六調。新采麗淺薄者議其
未穩真可一噓

卷四十六

十一

題韓運鹽竹隱堂絕句

塵埃車馬日駸駸。誰解從君一散襟。待我清秋有閒日。
抱琴來寫萬龍吟。

舟中詠落景餘清暉。輕橈弄溪渚之句蓋孟浩然
耶溪泛舟詩也。因以其句爲韻賦詩

獨鶴還故鄉。歸然但城郭。出門無與遊。所至苦寂寞。裏
飯事幽討。此計殊不惡。薄暮宿漁家。蒼煙帶墟落。

維舟入谷口。信步造異境。隔離雞犬聲。滿地梧楸影。瓦

甌炊香稻石泉汲。新井人間苦逼仄。愛此須臾景。
老圃髮如霜。見客能廢鋤。與坐使之年。自云八十餘。老
身六朝民。草舍數世居。力守遠祖言。一字不學書。
沿溪得茅店。酒旗出柴荆。杖頭錢已空。一醉何由成。主
人語鄭重。手把甕面清。勸我姑小留。溪魚亦可烹。
秦皇酒甕邊。古有釣魚磯。我來必竟日。時挈雙鯉歸。白
鷺真可人。常先孤棹飛。高詠江練句。令人憶元暉。
鏡湖三百里。風止鏡面平。持以照吾心。俗塵安得生。散
髮鷗鷺閒。萬事秋毫輕。誰能拂東絹。寫我孤舟橫。

卷四十六

七

朝發雲根寺。暮宿煙際橋。冷螢溼不飛。潛魚驚自跳。菱
船歌裊裊。荻浦風蕭蕭。平明宿鳥起。我亦理歸橈。
古祠照滄波。老木闕雲洞。輕舟不搖櫂。正用一風送。汲
井漱甘液。埽榻寓幽夢。所恨山未深。城笳聽三弄。

禹穴探斷簡。樵風泛清溪。倒影森松桂。避船散鳥鷺。塵
中有異境。十里青玻璃。高塔忽招人。湖邊日未低。
溪行已清秋。還舍尙殘暑。天公爲解圍。簾櫳過疎雨。青
蔬喜小摘。紅粒亦新杵。一飽坐北軒。蘋花泣煙渚。
作者詩以萬計。間適之什。往往出之。率易亦復數見。不

鮮沙中金屑每苦難披十詩直舉胸情清真古澹妙處
在神味之間不可以貌求之

秋夜紀懷

北斗垂莽蒼。明河浮太清。風林一葉下。露草百蟲鳴。病
入新涼減。詩從半睡成。還思散關路。炬火驛前迎。

方回曰中四句語意至工

舍北搖落景物殊佳偶作

屋角成金字。溪流作縠紋。斜通小橋路。半掩夕陽門。孤
艇衝煙過。疎鐘隔塢聞。杜門非獨病。實自厭紛紛。

卷四十六

三

方回曰放翁此題凡五首所謂筆端有口新冬景物
搜抉無遺屋角成金字本出北史斛律金傳以對溪
流作縠紋亦奇

夜坐

杳杳霜鐘十里聲。娟娟江月半窗明。陳編欲絕猶堪讀。
微火相依更有情。九曲煙雲新散吏。原注時方被命百
再領武夷祠祿年鉛槧老諸生。頽然待旦君無笑。尙勝聞雞賦早行。原注

溫岐詩云雞聲茅店月人迹
板橋霜蓋唐人早行絕唱也

隴頭水

隴頭十月天。雨霜壯士夜。挽綠沈槍。臥聞隴水思故鄉。
三更起坐淚數行。我語壯士勉自彊。男兒墮地志四方。
裹尸馬革固其常。豈若婦女不下堂。生逢和親最可傷。
歲輦金絮輸胡羌。夜視太白收光芒。報國欲死無戰場。
有古直悲涼之氣。

書志

往年出都門。誓墓志已決。况今蒲柳姿。俛仰及大耋。妻
孥厭寒餓。鄰里笑迂拙。悲歌行拾穗。幽憤臥齧雪。千歲
埋松根。陰風蕩空穴。肝心獨不化。凝結變金鐵。鑄爲上
方劍。釁以佞臣血。匣藏武庫中。出參髦頭列。三尺粲星
辰。萬里靜妖孽。君看此神奇。醜虜何足滅。
幻想奇文不可磨滅。

書憤

白髮蕭蕭臥澤中。祗憑天地鑿孤忠。阨窮蘇武餐毡久。
憂憤張巡嚼齒空。細雨春蕪上林苑。頽垣夜月洛陽宮。
壯心未與年俱老。死去猶能作鬼雄。

方回曰悲壯感慨不當徒以虛語視之

鏡裏流年兩鬢殘。寸心自許尙如丹。衰遲罷試戎衣窄。

悲憤猶爭寶劍寒。遠戍十年臨的博。壯圖萬里戰皋蘭。
關河自古無窮事。誰料如今袖手看。

小舟遊西涇度西岡而歸

小雨重三後。餘寒百五前。聊乘瓜蔓水。閒泛木蘭船。雪
暗梨千樹。煙迷柳一川。西岡夕陽路。不到又經年。

穩中帶秀此境正不易到

王復禮曰較太白梨花千樹雪楊柳萬條煙似勝一

籌但水衡記以五月爲瓜蔓水此屬一時誤用

春行

卷四十六

五

九日春陰一日晴。強扶衰病此閒行。猩紅帶露海棠溼。

鴨綠平隄湖水明。原注杜子美曉看紅濕處花重錦官
城李太白蜀江紅且明用濕字明字

可謂奪造化之功
世未有拈出者酒賤柳陰逢醉臥。土肥稻壟看深耕。

山翁莫道渾無用。解與明時說太平。

方回曰引少陵太白謂奪造化之功卻是世未有拈

出者前輩用功如此

閒身

炊煙漠漠閉柴荆。聊用閒身答太平。重碧飛觴心未老。
硬黃臨帖眼猶明。吳蠶滿箔含桃熟。壠麥登車搏黍鳴。

補剝息黥今有地問君何處用虛名。

舍北行飯書觸目

落雁昏鴉集遠洲。青林紅樹擁平疇。意行舍北三叉路。間看橋西一片秋。小婦破煙撐去艇。兒童橫笛喚歸牛。形容野景無餘思。自怪癡頑不解愁。

盧世淮曰先寫景而後入事句句宛肖

雪夜感舊

江月亭前樺燭香。龍門閣上馱聲長。亂山古驛經三折。小市孤城宿兩當。晚歲猶思事鞍馬。當時那信老耕桑。

卷四十六

六

綠沈金鎖俱塵委。雪灑寒鐙淚數行。調極清和領聯斷。句工緻可愛。

吳喬曰放翁壯時有志經世故有晚歲猶思事鞍馬

當時那信老耕桑之句

雜感

志士山樓恨不深。人知已是負初心。不須先說嚴光輩。直自巢由錯到今。

故舊書來訪死生。時間剝啄叩柴荆。自嗟不及東家老。至死無人識姓名。

蘭

南巖路最近。飯已時散策。香來知有蘭。遽求乃弗獲。生
世本幽谷。豈願爲世娛。無心託階庭。當門任君鋤。
爲幽人寫照。寓意深遠。作者別調。

感舊

夜涉南沮水。朝過小益城。梯山天一握。度棧土微平。雨

近秦雲暗。霜高隴月明。至今孤夢裏。喝馬有遺聲。原注

皆七字韻語間
之悲愴動人

凜凜隆中相。臨戎遂不還。塵埃出師表。草棘定軍山。壯

卷四十六

七

氣河潼外。雄名管樂閒。登堂拜遺像。千載媿吾顏。

我思杜陵安。處處有遺蹤。錦里瞻祠柏。綿州弔海棕。蹉

跎悲櫪驥。感會失雲龍。生世後斯士。吾將安所從。

游久居蜀地。於孔明子美。企想獨深。二詩渾成。老健蓋

程形賦音與其人相稱也。

露坐

原注立秋
前五日

旋削甘瓜進酒卮。斷雲漠漠斗離離。北臨積水風來壯。
東恨長林月上遲。秋近不堪聞急杵。夜涼已復怯輕絺。
天孫老抱河梁恨。豈獨人生事可悲。

新秋

殘暑無多日。幽居近小江。酒醒中夜起。松月入山窗。
秋風昨夜來。聲滿梧桐樹。故人渺天末。此夕誰與度。
妙語得自直。尋亦清晨登隴首。明月照積雪之比。

秋夕露坐作

銀河半落露華清。南斗闌干北斗明。冉冉方悲老將至。
纖纖又歎月初生。酒牀細滴香浮瓮。衣杵相聞聲滿城。
萬卷讀書無用處。卻將耕稼報昇平。

感秋

卷四十六

六

秋色關河外。秋聲天地閒。壯士感此時。朝鏡凋朱顏。一
身寄空谷。萬里夢天山。噫鳴怒背裂。憤激悲涕潛。古來
眞龍駒。未必置天閑。長松倒澗壑。委棄同綦菅。得志未
可測。談笑濟時艱。凜然出師表。一字不可刪。

新涼

菰首初離水。薑芽淺漬糟。粳香等炊玉。韭美勝炮羔。露
下殘蕪溼。風生萬木號。從今更何事。痛飲讀離騷。

豐歲

豐歲歡聲動四鄰。深秋景氣粲如春。羊腔酒擔爭迎婦。

鼉鼓龍船共賽神。處處喜晴過。甲子家家築屋趁庚申。
老翁欲伴鄉閭醉。先辦長衫紫領巾。
點綴娥媚煞有風致。

小舟過吉澤效王右丞

澤國霜露晚。孤村煙火微。本去官道遠。自然人迹稀。木
落山盡出。鐘鳴僧獨歸。漁家閒似我。未夕閉柴扉。
不必似王白饒清致。

文集跋王右丞集。余年十七八時。讀摩詰詩最熟。今
永晝再取讀之。如見舊師友。恨閒闊之久也。

卷四十六

九

秋晴見天際飛鴻有感

新晴天宇色正青。羣鴻高鶩在冥冥。兒童相呼共仰視。
我亦扶杖來中庭。豐年到處稻梁滿。胡不暫下栖沙汀。
應須江海寄曠快。肯爲霜雪嗟飄零。書生可笑不自喜。
憔悴久翦籠中翎。鷗波萬里每媿杜鶴化。千載知非丁。
風前哀號漫激烈。月下孤影常玲竚。詩成欲寫復懶去。
誦似溪友聲泠泠。

遣調流麗曲盡心手之妙

戊午重九

朋舊相望天一涯。登高結伴只鄰家。秋風自欲吹紗帽。
衰髻何曾泥菊花。藥市神仙思益部。餽盤節物記京華。
自憐病後歡悰薄。小醉歸來日未斜。

舟中

梅邊潮水落還生。篷底寒鐙滅復明。約束長年牢繫纜。
報人風雨有鼃鳴。不必有寄卽事自佳。

蕭蕭風雨小江秋。不是愁人亦合愁。忽聽疎鐘知寺近。
笑尋沙路上牛頭。

卷四十六

冬日感興十韻

辛

霧雨天昏。曠陂湖地阻深。蔽空鴉作陣。暗路棘成林。有
客風埃裏。頻年老病侵。夢魂來二豎。相法欠三壬。舊憤
開孤劍。新愁感斷砧。唐衢惟痛哭。莊舄正悲吟。瘦跨秋
門馬。寒生夜店衾。但思全舊璧。敢冀訪遺簪。樓上蒼茫
眼。鐙前破碎心。長謠傾濁酒。慷慨壓層陰。

庵中晨起書觸目

暉暉初日上。簾鉤漠漠清寒透。衲裘雪棘並棲雙。鵲暝
金環斜絆一猿愁。廉宣臥壑松楠老。王子穿林水石幽。

戲事自憐除未盡。此生行欲散風漚。

原注唐希雅畫鵲
易元吉畫猿廉宣

仲老木王仲信水石
皆庵中所挂小軸

設色妍麗似晚唐人佳句

春日小園雜賦

市塵不到放翁家。繞麥穿桑野徑斜。夜雨長深三尺水。
曉寒留得一分花。悶從鄰舍分春甕。閒就僧窗試露芽。
自此年光應更好。日驅秧馬聽縑車。
夜雨一聯鬆秀可愛

沈園

卷四十六

三

城上斜陽畫角哀。沈園非復舊池臺。傷心橋下春波綠。
曾是驚鴻照影來。

張完臣曰寫得幽豔動人

夢斷香消四十年。沈園柳老不吹綿。此身行作稽山土。
猶弔遺蹤一泫然。

張完臣曰又深一步其痛愈深

紹興郡刻本題下注此放翁憶其前妻作也妻以失
歡於姑被遣後於沈園見之未幾下世翁再遊此地
追感賦詩淒苦不忍多讀

讀晉書

諸公日飲萬錢厨。人乳蒸豚玉食無。誰信秋風雒城裏。
有人歸棹爲尊鱸。

不著議論而指意躍然咏史上乘

春晴自雲門歸三山

乍行春野眼增明。漸減春衣體倍輕。人賣山茶先穀雨。
鴉隨幡祭過清明。柳塘水滿雙鳧戲。稻隴泥深一犢行。
晚到三橋泛舟去。掩關不復畏重城。

夜聞姑惡

湖橋東西斜月明。高城漏鼓傳三更。釣船夜過掠沙際。
蒲葦蕭蕭姑惡聲。湖橋南北煙雨昏。兩岸人家早閉門。
不知姑惡何所恨。時時一聲能斷魂。天地大矣汝至微。
滄波本自無危機。秋菰有米亦可飽。哀哀如此將安歸。

讀前輩詩文有感

我無前輩千鈞筆。造物爭功謝不能。已分文章歸委靡。
可憐意氣尙憑陵。鸞旗廣殿晨排仗。鐵馬黃河夜踏冰。
此事要須推大手。蟬嘶分付與吳僧。

巧構形似之言。要非詣力所臻。不能道來親切。乃爾

讀隱逸傳

終南處士入都門。少室山人補諫垣。畢竟只供千載笑。
石封三品鶴乘軒。

不以議論傷格律。比勩亦自允協。

秋陰

澹日披朝霧。輕雲結暮陰。菰蒲溪路暗。松竹草堂深。妙
墨雙鉤帖。奇聲百衲琴。古人端未遠。一笑會吾心。

秋懷

皇天本無心。萬物各有時。飛鴻何預人。南翔每如期。仰

卷四十六

三

看霜露墜。俯歎草木衰。英英籬下菊。秀色獨滿枝。豈無
一樽酒。相與斟酌之。耄老天所佚。行歌復何疑。

改朔甫再宿。月見西南隅。纖纖一銀鉤。挂空疑有無。我
行青楓岸。遠水浮雙鳧。新寒入短衣。感此風霜初。頗欲
呼小艇。東村行芋區。衣薄且言歸。煙火望吾廬。

閒澹有味

秋思

日落江城聞擣衣。長空杳杳雁飛南。飛桑枝空後。酷初熟。
豆莢成時兔正肥。徂歲背人常冉冉。老懷感物倍依依。

平生許國今何有。且擬梁鴻賦五噫。

冬晴與子坦子聿遊湖上

海山山下百餘家。垣屋參差一帶斜。我欲往尋疑路斷。
試沿流水覓桃花。

齋中弄筆偶書示子聿

左右琴樽靜不譁。放翁新作老生涯。焚香細讀斜川集。
候火親烹顧渚茶。爲半酣。差近古詩。雖苦思未名家。
一窗殘日呼愁起。裊裊江城咽暮笳。

少陵云語不驚人死不休。放翁云詩雖苦思未名家文。

卷四十六

五

人之豪故自各有著力處。今人未涉其境而漫以雕琢
直率置之可乎。

祖應世曰放翁七律無一字效響四唐而獨開蹊徑
別有一天何嘗寄人籬下。

陳訐曰昔蘇長公教人作詩曰字字覓奇險節節累
枝葉又曰法度法前軌後山亦云要當攻石堅勿作
搏沙散放翁詩至萬首疑其無復持擇而改詩鍊句
每形篇什數公之於詩亦列子之御風而行靈均之
桂舟玉車也而其言顧如此。

夢中作遊山絕句

霜風吹帽江村路。小蹇迢迢委轡行。忽到雲山幽絕處。
穿林啼鳥不知名。

北望感懷

榮河溫洛帝王州。七十年來禾黍秋。大事竟爲朋黨誤。
遺民空歎歲時遒。乾坤恨入新豐酒。霜露寒侵季子裘。
食粟本同天下責。孤臣敢獨廢深憂。

人日東園

歲首未入春風氣。已稍和我睡意慵。起如此鳴禽何。駕
言之東園落梅亦已多。江南無堅冰。綠池生微波。挹彼
蒲萄醅。酌我鸚鵡螺。雖無絲與竹。倚樹自高歌。矯首東
南望。稽山鬱嵯峨。兒曹幸力穡。老子得婆娑。

枕上作

山雨蕭蕭過沙泉。咽咽流夢中。無遠道醉裏失孤愁。貧
賣相如騎寒思季子裘。兒童報新霽。裹飯出間遊。

夢中無遠道五字亦未經人道游又有句云夢移鄉國
近則更奇矣

長干行

褰腰綠如草。衫色石榴花。十二學彈箏。十三學琵琶。寧
嫁與商人。夫婦各交涯。朝朝問水神。夜夜夢三巴。聘金
雖如山。不願入侯家。鄣袖庭花下。東風吹鬢斜。

小橋

漠漠輕陰隱隱雷。石榴半落點莓苔。小橋西北闌干角。
獨岸綸巾待雨來。

觀畫山水

古北安西志未酬。人間隨處送悠悠。騎驢白帝城邊雨。
挂席黃陵廟外秋。大綱截江魚可膾。高樓臨路酒如油。
老來無復當年快。聊對丹青作臥遊。

示友

道向虛中得。文從實處工。凌空一鷲上。赴海百川東。氣
骨真當勉。規模不必同。人生易衰老。君等勿怱怱。

十月

十月霜侵季子裘。吾詩又送一年秋。風回斷續聞樵唱。
木落參差見寺樓。久已浮雲看富貴。固應華屋等山邱。

江邊海際多幽致擬跨青驪處處遊

集中有木落寺樓高之句與此領聯各有佳致

梅花

春信今年早江頭昨夜寒已教清徹骨更向月中看

對酒戲詠

淺傾西國蒲萄酒小嚼南州豆蔻花更拂烏絲寫新句
此翁可惜老天涯

盧世淮曰雋麗不可名狀

先少師宣和初有贈晁公以道詩云奴愛才如蕭

卷四十六

七

穎士婢知詩似鄭康成晁公大愛賞今逸全篇偶
讀晁公文集泣而足之

仕不逢時勇退耕閉門自號景迂生遠聞佳士輒心許
老見異書猶眼明奴愛才如蕭穎士婢知詩似鄭康成
早孤遇事偏多感欲續殘章涕已傾

追感往事

諸公可歎善謀身誤國當時豈一秦不望夷吾出江左
新亭對泣亦無人

千年而後如聞歎息之聲善謀身一言尤中庸臣病根

潘問奇曰此詩雖欠含蓄然亦可知南渡後雖周伯
仁亦難得

文集跋呂侍講歲時雜記年運而往士大夫安於江
左求新亭對泣者正未易得撫卷累歎

御選唐宋詩醇卷之四十七

山陰陸游詩六

小目錄

春游雜詩

三月二十日兒輩出謁孤坐北窗

西村

湖塘晚眺

秋夜

漁父

卷四十七

梅市

郭西

柳橋晚眺

秋社

村舍

秋日雜詠

小立

秋晚湖上

雨後至近村

題巖州王秀才山水枕屏

追憶征西幙中舊事

解嘲實之直閣送登

讀史會聖

遣興臨林樵頭

送子龍赴吉州掾

正月五日出遊

初春雜興

杜叔高秀才雨雪中相過畱一宿而別誦此詩送

卷四十七

二

之蘇高士大雨雪中吟盛酒一齋而限前此詩送

村居書喜

別嚴和之出遊

舟中作讀史會聖

夏初湖村雜題

書直舍壁

謝韓實之直閣送鐙

直舍獨坐思成都

出東城並江而歸水榭

立春後十二日命駕至郊外戲書觸目

河橋晚歸交發大雲

後寓歎

與兒輩泛舟遊西湖一日間晴陰屢易

秋思

小徑登東山繚行自西北至溪上

感憤

野興

幽居春晚

卷四十七

三

閔雨

書事

明日復理夢中意作

舍南野步

出遊

山行

感昔

風雲晝晦夜遂大雪

夢華山十二日命駕至波伏嶺書觸目

道室

倚樓

石帆夏日

乙丑夏秋之交小舟早夜往來湖中戲成絕句

懷舊

春雨

梨花

雜感

出遊歸鞍上口占

卷四十七

初夏閒居

地僻

耒陽令曾君寄禾譜農器譜二書求詩

夏末野興

訪山家

寄隱士

春前六日作

顛士曾興宗字光祖以其居篔簹谷圖來求詩

夏日雜題

西村晚歸

雨晴

秋夜

累日濃雲作雪不成遂有春意

野望

春晴

恩封渭南伯唐詩人趙嘏爲渭南尉當時謂之趙渭南後來將以予爲陸渭南乎戲作長句

山行

卷四十七

五

初夏書感

對酒作

頃歲從戎南鄭屢往來興鳳閒暇日追懷舊遊有

賦

異夢

夜坐小飲

雜感十首之二

仲秋書事

秋日徙倚門外久之

聞新雁有感

小園獨酌

古意

湖上尋梅

湖山

雪晴欲出而路澁未通戲作

春日雜興

蘭亭道上

初夏雜興

卷四十七

山行過僧庵不入

夏日六言

夏夜泛溪至南莊復回湖桑歸

郊行

文章

思蜀

江村

示兒

御選唐宋詩醇卷之四十七

山陰陸游詩六

春遊

春風隄上草萋萋。草軟沙平護馬蹏。似葢微雲纔障日。
如絲細雨不成泥。千秋觀裏逢新燕。九里山前聽午雞。
追憶舊遊愁滿眼。綵船曾繫畫橋西。

三月二十日兒輩出謁孤坐北窗

園林春已空。陂港雨新足。泥深黃犢健。桑老紫椹熟。豐
年逋負少。村社壓酒肉。微風吹醉醒。起和飯牛曲。

卷四十七

樸直有味

西村

亂山深處小桃源。往歲求漿憶叩門。高柳簇橋初轉馬。
數家臨水自成村。茂林風送幽禽語。壞壁苔侵醉墨痕。
一首清詩記今夕。細雲新月耿黃昏。

湖塘晚眺

綠樹暗村墟。青山繞草廬。奉祠神禹舊。馳道暴秦餘。浦
色沈煙網。畦聲入雨鉏。清秋又如許。幽憤若爲摅。
病起閒無事。時來古渡頭。煙中賣魚市。月下采蓮舟。帆

鼓娥江晚菱歌姥廟秋長吟無傑句聊以散吾愁
氣體高妙在盛中之間

秋夜

老病睡眠少如斯秋夜何長庚未配月織女已斜河莎
徑蟲吟苦柴門葉落多誰知窮甯戚不作飯牛歌

漁父

千錢買一舟百錢買兩槳朝看潮水落暮看潮水長持
魚換鹽酪縣郭時下上亦或得濁醪不復計瓶盎浩歌
忘遠近醉夢墮莽蒼元真不可逢悠然寄遐想

卷四十七

梅市

梅市柯山小繫船開篷驚起醉中眠橋橫風柳荒寒外
月墮煙鐘縹渺邊客思況經孤驛路詩情又入早秋天
如今老病知何恨判斷江山六十年

清和宛轉可謂物理俱美情致兼深矣

盧世淮曰是雲林寫景

郭西

鵲下川原黑船行浦澈空橋鐙搖水影樓角散天風野
眺飛埃外漁歌冷翠中不須嘲病翼要是脫樊籠

柳橋晚眺

小浦聞魚躍。橫林待鶴歸。閒雲不成雨。故傍碧山飛。
有手揮目送之趣

秋社

雨餘殘日照庭槐。社鼓鼕鼕賽廟回。又見神盤分肉至。
不堪沙雁帶寒來。書因忌作間終日。酒爲治聾醉一杯。
記取鏡湖無限景。蘋花零落蓼花開。

村舍

生理嗟彌薄。吾居久未完。蝶飛窗紙碎。龜坼壁泥乾。小

卷四十七

三

雨牛欄溼。微霜碓舍寒。晚禾蟲獨少。鄰里共相寬。原註今年

晚禾苦蟲蛀
子鄉獨免

潘問奇曰生勑不肯蹈襲一字

秋日雜詠

菰蒲風起暮蕭蕭。煙斂林疎見斷橋。白蟹鬣魚初上市。
輕舟無數去乘潮。

竹枝遺調

小立

紅樹園廬晚。碧花籬落秋。荒陂船護鴨。斷岸笛呼牛。酒

賤村村醉山寒寺。寺幽聊須岸烏幘。小立堞西頭。

秋晚湖上

已過西成賽廟期。家家下麥不容遲。夕陽遍野人歸後。
秋水生灘鷺集時。靈藥不治懷抱惡。好詩空益鬢毛衰。
從來未識蘇司業。愁絕西風滿酒旗。
結聯善於運化有縹緲之韻

雨後至近村

夜雨曉方止。朝雲猶作陰。山餘一寸碧。溪長半篙深。臥
泛白鷗渚。行穿黃葉林。老農能共語。眞率會人心。

卷四十七

四

題嚴州王秀才山水枕屏

我行天下路幾何。三巴小益山最多。翠崖青嶂高嵯峨。
紅棧如帶縈巖阿。下有駭浪千盤渦。一跌性命委蛟鼉。
日馳三百一烏騾。雪壓披氈泥滿鞵。驛亭沃酒醉臉酡。
長笛腰鼓雜巴歌。大散關上方橫戈。豈料世變如翻波。
東歸輕舟下江沱。回首歲月悲蹉跎。壯君落筆寫岷嶓。
意匠自到非身過。偉哉千仞天相摩。谷裏人家藏綠蘿。
使我恍然越關河。熟視粉墨頻摩挲。

鏗然徹耳煥然奪目。意匠自到非身過。尤有妙理。

追憶征西幙中舊事

小獵南山雪未消。繡旗斜卷玉驄驕。不如意事常千萬。
空想先鋒宿渭橋。

昨夜王師成隴回。遺民日夜望行臺。不論夾道壺漿滿。

洛筍河魴次第來。原註在南鄭時關中將吏有獻此二物者

解嘲

一壑棲遲久。多生習氣消。行藏無媿怍。夢覺兩逍遙。倩
鶴傳山信。疏泉洗藥苗。晚來幽興極。乘月過溪橋。

五言讀史

卷四十七

五

民間斗米兩三錢。萬里耕桑罷戍邊。常使屏風寫無逸。
應無烽火照甘泉。

保秦持盈之指。借明皇發之。不落言詮。自近風雅。

遣興

家住城南剡曲傍。門前山色蘸湖光。三朝執戟悲年往。
二頃扶犁樂歲穰。名姓已隨身共隱。文辭終與道相妨。
子孫勉守東臯業。小甌吳粳底樣香。

方回曰五六議論最妙

送子龍赴吉州掾事

我老汝遠行。知汝非得已。駕言當送汝。揮涕不能止。人誰樂離別。坐貧至於此。汝行犯胥濤。次第過彭蠡。波橫吞舟魚。林嘯獨脚鬼。野飯何店炊。孤權何岸橫。判司比唐時。猶幸免笞箠。庭參亦何辱。負職乃可恥。汝爲吉州吏。但飲吉州水。一錢亦分明。誰能肆讒毀。聚俸嫁阿惜。擇士教元禮。我食可自營。勿用念甘旨。衣穿聽露肘。履破從見指。出門雖被嘲。歸舍卻睡美。益公名位重。凜若喬嶽峙。汝以通家故。或許望燕几。得見已足榮。切勿有所啟。又若楊誠齋。清介世莫比。一聞俗人言。三日歸洗耳。汝但問起居餘事。勿挂齒。希周有世好。敬叔乃鄉里。豈惟能文辭。實亦堅操履。相從勉講學。事業在積累。仁義本何常。蹈之則君子。汝去三年歸。我儻未卽死。江中有鯉魚。頻寄書一紙。

卷四十七

六

以韻語作訓詞。真情極切。自然成文。樸茂渾堅。大家本領。

正月五日出遊

久作間人不慣愁。新春天氣更清柔。未爲遼海千年別。且繼斜川五日遊。細柳拂頭穿野徑。落梅黏袖上漁舟。

此身定去神仙近。倚遍江南賣酒樓。

初春雜興

水長鷗初泛。山寒茗未芽。深林聞社鼓。落日照漁家。渡
遠呼船久。橋傾取路斜。客愁慵遠眺。不是怯風沙。

方回曰八句皆佳而三四尤古遠

老病倦遊陟。偶尋溪友期。殘冰擁魚笱。新暖入桑枝。山
崦巨然畫。煙村摩詰詩。何人爲收拾。媿我不能奇。

杜叔高秀才雨雪中相過畱一宿而別誦此詩送
之

卷四十七

七

久客方知行路難。關山無際水漫漫。風吹欲倒孤城遠。
雪落如簔野寺寒。暮挈衣囊投土室。晨沽村酒挂驢鞍。
文章一字無人識。胸次徒勞萬卷蟠。

用簔字新異可喜

村居書喜

紅橋梅市曉。山橫白塔樊。江春水生。花氣襲人知。驟暖
鶻聲穿樹喜。新晴坊場酒。賤貧猶醉原。野泥深老亦耕。
最喜先期官賦足。經年無吏叩柴荆。

別嚴和之

器之魂逝已難招。尚有和之慰寂寥。今夜月明空歎息。
想君孤棹泊溪橋。

舟中作

晤語無人與遣愁。出門聊復弄輕舟。山穿煙雨參差出。
水赴陂塘散漫流。隔葉雄雌鳴谷鳥。傍林子母過吳牛。
數家清絕如圖畫。炊黍何妨得小留。

盧世淮曰寫景閒雅

夏初湖村雜題

嫩日輕風夏未深。曲廊倚杖得閒吟。地偏草茂無人迹。

卷四十七

八

一對菱雞下綠陰。

書直舍壁

道山西下路。杳杳歷重廊。地寂聞傳漏。簾疎有斷香。渠
清水馬健。屋老瓦松長。欲出重欹枕。無何覓故鄉。

方回曰水馬瓦松詩人罕用此聯可喜

謝韓實之直閣送鐙

玉作華星綴絳繩。樓臺交映暮天澄。東都父老今誰在。
腸斷當時諫浙鐙。

盧世淮曰詩自謝鐙意別有在

張完臣曰無限感慨觸物而流
蘇軾諫浙錢劄子伏見中使傳宣下府市司買浙錢
四千餘盞有司具實直以聞陛下又令減價收買見
已盡數拘收禁止私買以須上令臣始聞之驚愕不
信咨嗟累日竊爲陛下惜此舉動也

直舍獨坐思成都

錦城花絮送吳船。屈指東歸又幾年。羣玉峯頭花老矣。
百花潭上夢依然。青衫尙記稱狂客。白髮寧知作老僊。
所恨酒腸非復昔。閒遊空負杖頭錢。

卷四十七

九

出東城並江而歸

上車容假寐。出郭當閒遊。遠笛臨風起。高帆到岸收。
人歸花市路。客醉酒家樓。徑就東窗臥。孤鐙欲話愁。

立春後十二日命駕至郊外戲書觸目

宮雲縹緲漏聲遲。夢裏華胥卻自疑。春淺風光先盎盎。
時平節物共熙熙。畫簾不捲聞人語。玉勒徐行避酒旗。
閱盡輩流身獨健。恍如隨計入都時。

河橋晚歸

曲巷連新市。層樓近小橋。青帘猶滴雨。綠浦恰通潮。
簾

影晴方見笙聲冷。未調斜陽覓歸路。偏愛玉驄驕。
筆墨間有香氣似初唐人佳製

後寓歎

貂蟬未必出兜鍪。要是蒼鷹憶下鞲。彭澤徑歸端爲酒。
輕舟已老豈須侯。千年精衛心平海。三日於菟氣食牛。
會與高人期物外。摩挲銅狄灞城秋。

吳喬曰此當有後進妄生長短如韓君在夷門也

與兒輩泛舟遊西湖一日間晴陰屢易

逢著園林卽款扉。酌泉鬻筍欲忘歸。楊花正與人爭路。
鳩語還催雨點衣。古寺題名那復在。後生識面自應稀。
傷心六十餘年事。雙塔依然在翠微。

寫景最工著語一何娟妙

秋思

烏柏微丹菊漸開。天高風送雁聲哀。詩情也似并刀快。
翦得秋光入卷來。

小徑登東山繚行自西北至溪上

原註是夕
子聿置酒

行穿犖确度谿谿。小立風中客袖斜。衰草雙雙點飛蝶。
長空一一送栖鴉。荻洲薄暮收魚網。荊舍初寒響緯車。

誰道老人多感慨未妨尊酒樂年華

感憤

形勝崢嶸在英豪趙魏多精兵連六郡要地控三河慷慨鴻門會悲傷易水歌幾人懷此志送老一漁蓑

野興

掃盡紅塵閉是非舍傍好在舊苔磯壺中春色松肪酒江上秋風榭葉衣一片共知雲偶出千年誰識鶴重歸勿言野外無供給雪後連山藥草肥

五六情事恰合

卷四十七

幽居春晚

老廢讎書病廢詩晝間惟與睡相宜未尋內史流觴地又近龐公上冢時花發遊蜂喧院落筍長馴鹿入藩籬石帆山下春如許野老來招不用辭

盧世淮曰三四從上轉下機軸一貫

閔雨

歲秋固多雨每恨不及時黃塵蔽赤日苗槁已不遲踏車聲如雷力盡真何爲天豈不念民雲族風散之窮民守稼泣便恐化棘茨妻子不望活所懼尊老飢我願上

天仁願哀民語悲鞭龍起風靈尙繼豐年詩

詞旨深厚

書事

北征談笑取關河。盟府何人策戰多。掃盡煙塵歸鐵馬。
剪空荆棘出銅駝。史臣歷紀平戎策。壯士遙傳入塞歌。
自笑書生無寸效。十年枉是枕瑠戈。

明日復理夢中意作

白盡髭鬚兩腋紅。頽然自以放名翁。客從謝事歸時散。
詩到無人愛處工。高掛蒲帆上黃鶴。獨吹銅笛過垂虹。

卷四十七

十一

間人浪迹由來事。那計猿驚蕙帳空。

劉克莊曰近歲詩人雜博者堆隊仗空疎者窘材料
出奇者費搜索縛律者少變化惟放翁記問足以貫
通力量足以驅使才思足以發越氣魄足以陵暴南
渡而下故當爲一大宗末年詩云客從謝事歸時散
詩到無人愛處工又云外物不移方是學俗人猶愛
未爲詩則皮毛落盡矣

舍南野步

枯蔓絡荆籬。幽花映荻扉。馴麀驚不起。歸鶴倦猶飛。野

色連收網邊愁入搗衣壯圖空自笑事事與心違
寫入邊愁一句便覺情景混融通體靈妙

出遊

山有籃輿步有舟放翁身健得閒遊羊牛點點日將夕
蒲柳蕭蕭天正秋細雨僧歸雲外寺疎燈人語酒家樓
歸途更愛湖橋月獨倚闌干爲小留

山行

山光秀可餐溪水清可啜白雲映空碧突起若積雪我
行溪山間靈府爲澄澈峻嶒崖角立蟠屈路九折黃楊
與冬青鬱鬱自成列其根貫石罅橫逆相糾結上捫鵬
鷂巢下歷豺虎穴流泉不可見鏘然響環玦出山日已
暮林火遠明滅小憩得樵家題詩記幽絕

不失子美家法

感昔

白帝城邊鶯亂嘯憶騎瘦馬踏春泥老來感舊多悽愴
孤夢時時到灤西

風雲晝晦夜遂大雪

大風從北來洶洶十萬軍草木盡偃仆道路暝不分山

澤氣上騰天受之爲雲山雲如馬牛水雲如魚龍朝闇
翳日暮重壓厚坤高城岌欲動我屋何足掀兒怖牀
下伏婢恐堅閉門老翁兩耳聵無地著戚欣夜艾不知
雪但覺手足戰布衾冷似鐵燒糠作微溫豈不思一飲
流塵暗空樽已矣可奈何凍死向孤村

奇崛

夢華山

古松偃蹇谷谿訝太華峰前野老家久客未歸丹竈冷
碧桃八十一番花

卷四十七

十四

道室

簪遇風山第六爻脩然盡謝俗閒交謀生舊買雲三頃
託宿新分鶴半巢露下丹芽生藥壠月明金粉落松梢
眉閒喜動君知否借得丹經手自抄

鏗然清響殊有仙靈之氣

倚樓

曲曲闌干縹緲間哦詩本欲破除閒無端又起天涯感
淡墨生綃數點山

石帆夏日

短棹飄然信所之。茶園漁市到無時。風從蘋末蕭蕭起。
月過花陰故故遲。蓴菜煮羹吳舊俗。竹枝度曲楚遺辭。
頗聞項里楊梅熟。鄰曲相招莫後期。

乙丑夏秋之交小舟早夜往來湖中戲成絕句

橫林渺渺夜生煙。野水茫茫遠拍天。菱唱一聲驚夢斷。
始知身在釣魚船。
有聲有情迴然高唱

娥江道上月三更。垣屋參差閉月明。倚棹賦詩無傑思。
斷腸分付棹歌聲。

懷舊

卷四十七

五

身是人間一斷蓬。半生南北任秋風。琴書昔作天涯客。
蓑笠今成澤畔翁。夢破江亭山驛外。詩成鐙影雨聲中。
不須強覓前人比。道似香山實不同。

王世貞論詩以樂天放翁爲廣大教主。爲其情事景物
之悉備也。此老情事頗近子美。其意中亦欲與浣花老
叟相視而笑。故其自道如此。

春雨

春陰易成雨。客病不驚寒。又與梅花別。無因一倚欄。

梨花

開向春殘不恨遲。綠楊窳地最相宜。征西幕府煎茶地。
一幅邊鸞畫折枝。原註宣司靜鎮堂
屏上有邊鸞梨花

盧世淮曰梨花詩至此又是一種結構

雜感

春晚晴還雨。村深醉復醒。溪添半篙綠。山可一窗青。藥
品隨長鏡。花名記小屏。閒身幸無事。吟嘯送餘齡。
可字雖出唐人自成佳句

出遊歸鞍上口占

卷四十七

七

渺渺煙波飛槩去。迢迢桑野策驢還。寄懷楚水吳山外。
得意唐詩晉帖閒。每惜好春如我老。誰能長日伴人閒。
世間自是無兼得。助業元非造物慳。

初夏閒居

川雲漠漠雨冥冥。濁酒閒傾不滿瓶。蠶簇尙寒憂繭薄。
稻陂初滿喜秧青。王師護塞方屯甲。親詔憂民已放丁。
病起自憐猶健在。不須求應少微星。
琢句工穩而氣格不傷

地僻

地僻臨湍瀨。門幽長綠苔。客書疑誤達。僧刺媿虛來。清
露蘋花坼。斜陽燕子回。自憐猶有恨。佳日對空巖。
何其風秀

耒陽令曾君寄禾譜農器譜二書求詩

歐陽公譜西都花蔡公亦記北苑茶農功最大置不錄
如棄六藝崇百家曾侯奮筆補多稼儋州讀罷深咨嗟
一篇秧馬傳海內農器名數方萌芽令君繼之筆何健
古今一一辨等差我今八十歸抱耒兩編入手喜莫涯
神農之學未可廢坐使末俗慙浮華

卷四十七

七

文獻通考陳氏曰禾譜五卷宣德郎溫陵曾安止移
忠撰東坡所謂賦秧馬歌也謂禾譜文旣溫雅事亦
詳實惜其不譜農器故以此歌附之農器譜三卷續
二卷耒陽令曾之謹撰安止之姪孫也追述東坡作
歌之意爲此編周益公爲之序陸務觀亦作詩題其
後

夏末野興

半世天涯倦遠遊。還鄉不減旅人愁。數聲相應鳩呼雨。
一片初飛葉報秋。山塢風煙僧院路。河梁燈火酒家樓。

絕知雪鬢宜蓑笠分句貂蟬與黑頭

訪山家

捨舟步上若耶溪。壽櫟修藤路欲迷。僧院倚山馴栗鼠。
野塘灘水下芟雞。草侵古路迢迢遠。雲傍行人故故低。
薄暮但尋遺毳去。山家正在鶴巢西。

寄隱士

乳竇寒猶滴。巖扉夜不扃。奇書窺鳥跡。靈藥得人形。浩
浩天風積。冥冥海氣清。儻逢王內史。更爲乞黃庭。
較少陵押形字更新

卷四十七

六

春前六日作

夜枕夢回春雨聲。曉窗日出春鳥鳴。典衣沽酒莫辭醉。
自有梅花爲解醒。

贛士曾興宗字光祖以其居篔簹谷圖來求詩

高人心虛萬物宗。家世常以仕易農。買山本愛坡上竹。
手種已偃巖前松。瀑泉三伏凜冰雪。谷聲十里酣笙簫。
了知自是一邱壑。不與金精爲附庸。

原註地與金精山青牛峽爲鄰

磊砢多奇宮商悉諧第六句蓋取諸坡仙者

夏日雜題

午夢初回理舊琴。竹爐重炷海南沈。茅簷三日蕭蕭雨。
又展芭蕉數尺陰。

西村晚歸

小塢花垂盡。平隄草次迷。日長鶯語久。風定絮飛低。子
響聞菴院。舟橫傍釣溪。歸途不知處。依約埭東西。
古今得意句。難得一聯悉。稱暗牖懸蛛網。不如空梁落
燕泥。傍水見寒花。不如出關逢落葉也。田藝衡詩談云
爾如此詩。風定絮飛低五字。亦豈易稱。

雨晴

卷四十七

九

早曠常思雨。沈陰卻喜晴。放船蓮蕩遠。岸幘竹風清。淮
浦戎初遁。興州盜甫平。爲邦要持重。恐復議銷兵。

秋夜

落葉鳴遙夜。嗁蛩送暮秋。不知何許笛。故作此時愁。青
海三年戍。黃旗萬里侯。何如石帆下。煙雨釣滄洲。
風格適上故應突。過錢郎。

累日濃雲作雪不成遂有春意

釀雪經旬竟不成。一霜卻作十分晴。雲歸岫穴千峰立。
暝入郊原萬耦耕。菖葉離離豐歲候。梅花眷眷故人情。

道傍孤店新醅熟。已有幽禽一兩聲。

野望

偶攜一小豎。徙倚望南山。船笛爲誰怨。溪雲如我閒。洲
長歸雁下。天迴暮鴉還。安得一竿去。終年煙水閒。

春晴

常年春日少春晴。拂面今朝暝吹輕。水閣家家橫小舫。
園亭處處聽新鶯。桃花不管詩人老。菖葉空催野叟耕。
自笑此生餘幾許。銅駝荆棘尙關情。

恩封渭南伯。唐詩人趙嘏爲渭南尉。當時謂之趙

卷四十七

辛

渭南後來將以予爲陸渭南乎。戲作長句。

老向人間久倦遊。君恩乞與渭川秋。虛名定作陳驚坐。
好句真慙趙倚樓。棧豆十年霑病馬。煙波萬里著浮鷗。
就封他日輕裘去。應過三峰處處畱。

盧世淮曰。欲遜欲任。兩意俱有。

山行

山鳥嘯孤戍。煙蕪入廢亭。隄成陂水白。雨細稻秧青。草
市少行旅。叢祠多乞靈。最憐投宿處。微火暮晶瑩。

初夏書感

春與人俱老。花隨夢已空。遊蜂黏落蕊。輕燕接飛蟲。桑
悴知蠶起。牲肥賽麥豐。爲農當自力。相戒勿怱怱。
諸詩皆莫年之作。老氣縱橫而格律彌細。

對酒作

飲酒豪如卷白波。遣愁難似塞黃河。多聞自解爲身累。
後死空令見事多。未試神仙餐玉法。且賡壯士入關歌。
此心不道無人識。雪鬢蕭蕭奈老何。

頃歲從戎南鄭。屢往來與鳳閒。暇日追懷舊遊。有

賦

卷四十七

三

昔成蠶叢北。頻行鳳集南。烽傳戎壘密。驛遠客程貪。春
盡花猶坼。雲低雨半含。種畬多菽粟。斫木雜松栴。婦汲
惟陶器。民居半草菴。風煙迷棧閣。雷霆起湫潭。城郭秦
風近。村墟蜀語參。快心逢曠野。刮目望浮嵐。考古時興
感。無詩日每慚。嘉陵最堪憶。迎馬柳毵毵。

方回曰。放翁詩出於曾茶山。而不專用西江格。有晚
唐有中唐。亦有盛唐。此篇雖陳杜沈宋。亦不過如此。

流麗緜密

異夢

山中有異夢。重鎧奮雕戈。敷水西通渭。潼關北控河。淒涼鳴趙瑟。慷慨和燕歌。此事終當在。無如老死何。

夜坐小飲

零落槐花已滿溝。江湖又見一番秋。冰輪有轍凌空上。銀漢無聲接地流。丹荔甘寒勞遠致。玉醅醇冽喜新篘。移牀坐對西南電。好雨心知不待求。

雜感十首之二

呂鈞渭水濱。說築傅巖野。雖曰古盛時。得士蓋亦寡。天將啟治亂。人才有用舍。向非萬牛力。孰與成大厦。

卷四十七

三

洙泗日已遠。儒術日已喪。學者稱孔墨。爲國雜伯王。書生幸有聞。力薄不能倡。默默世俗閒。汝職無乃曠。詞旨宏深。雖筆意微斂。卻有大篇氣象。

仲秋書事

斷雲歸岫雨初收。茅舍蕭條古渡頭。短褐老人垂九十。松枯石瘦不禁秋。

秋日徙倚門外久之

舍前煙水似瀟湘。白首歸來愛故鄉。五畝山園鬱桑柘。數椽茅屋映菰蔣。翻翻小繖船歸郭。渺渺長歌月滿塘。

卻掩柴荆了無事。篆盤重點已殘香。

聞新雁有感

新雁南來片影孤。冷雲深處宿菰蘆。不知湘水巴陵路。
曾記漁陽上谷無。

如此寓感亦匪夷所思

小園獨酌

橫林搖落弄微丹。深院蕭條作小寒。秋氣已高殊可喜。
老懷多感自無歡。鹿初離母斑猶淺。橘乍經霜味尚酸。
小酌一卮幽興足。豈須落佩與頽冠。

卷四十七

七

古意

千金募戰士。萬里築長城。何時青塚月。卻照漢家營。
夜泊武昌城。江流千丈清。寧爲雁奴死。不作鶴媒生。

工於用古

湖上尋梅

鏡湖渺渺煙波白。不與人間通地脈。騎龍古仙絕火食。
慣住空山鬻冰雪。東皇高之置度外。正似人中巢許輩。
萬木僵死我獨存。本來長生非返魂。

小雪湖上尋梅時。短帽亂插皆繁枝。路人看者竊相語。

此老胸中常有詩歸來青鐙耿窗扉心鏡忽入造化機
墨池水淺筆鋒燥笑拂吳箋作飛草

仗氣愛奇遂成異境方回取梅花詩十五篇殊不逮此

湖山

坡陀度小嶺軒豁見平湖但醉梅花下民家酒可沽

花徑

小嶺

故堞無遺跡蕭然數十家茶煙映山起酒旆傍隄斜

原註

古城

雪晴欲出而路澁未通戲作

卷四十七

西

欲覓溪頭路春泥不可行歸來小窗下袖手看新晴

春日雜興

行人陌上思悠悠十里斜陽古渡頭一片落花無覓處

只教芳草管閒愁

蘭亭道上

湖上青山古會稽斷雲漠漠雨淒淒籃輿晚過偏門市

滿路春泥聞竹雞

箭箠弓弰小獵回壯心自笑未低摧前身家近盤閭路

曾看吳王射雉來

蘊藉不失唐人風調

初夏雜興

隱趣與誰論。深居湖上村。避蘭寧改路。惜筍不開園。庭
草饒生意。溪沙記漲痕。愁來時淺酌。隨事有雞豚。

山行過僧庵不入

垣屋參差竹塢深。舊題名處嬾重尋。茶鑪煙起知高興。
碁子聲疎識苦心。淡日暉暉孤市散。殘雲漠漠半川陰。
長吟未斷清愁起。已見橫林宿暮禽。

方回曰詩極高勝尤有工夫針線如老杜所謂裁縫

卷四十七

五

滅盡針線迹也。殘雲一聯及末句結乃結煞山行一
段餘意前輩詩例如此須合別有擺脫老杜縛雞行
山谷水仙花皆然

夏日六言

醉面貪承夕露。釣竿喜近秋風。借問孤舟何處。深入芙蓉
渠浦中。

溪漲清風拂面。月落繁星滿天。數隻船橫浦口。一聲笛
起山前。

夏夜泛溪至南莊復回湖桑歸

不求奇骨可封侯。但喜枯腸不貯愁。數點殘燈沽酒市。
一聲柔艣採菱舟。元知澤國偏宜夜。已就天公探借秋。
歸過三更風露重。紗巾剩覺髮颿颿。

郊行

淒風吹雨過江城。緩策羸驂竝水行。古路初驚秋葉墮。
荒郊已放候蟲鳴。壯心耿耿人誰識。往事悠悠恨未平。
斜日半竿羌笛怨。西陵寂寞又潮生。

結有神韻

文章

卷四十七

美

文章本天成。妙手偶得之。粹然無疵瑕。豈復須人爲。君
看古彝器。巧拙兩無施。漢最近先秦。固已殊滄漓。胡部
何爲者。豪竹雜哀絲。后夔不復作。千載誰與期。

深識妙解非淺人。所能與游常言詩。欲工而工亦非詩。
之極鍛鍊之久。乃失本指。斲削之甚。反傷元氣。觀其所
言。其自命可知矣。李東陽謂宋人之詩。但一字一句對
偶雕琢之工。而天真興致。未可與道者。不知能識此意
否。

楊大鶴曰。放翁詩至萬首。然翁又言文章本天成。妙

手偶得之粹然無疵瑕。豈復須人爲自言。間爲長謔
短章。楚調唐律。酬荅風月。煙雨之態度。非爲娛耳目。
遣暇日而已。此豈粘頭綴尾。朝鐫夕琢。必待月久歲
深。以多作爲能者哉。

思蜀

西遊陳迹浩無窮。回首眞同一夢中。柳拂驛牆思鳳集。
鼓喧市里憶蠶叢。故人邱壠秋蕪碧。舊隱園林夕照紅。
自閔未能忘感慨。浩歌彈劍送飛鴻。

江村

卷四十七

毛

江村連夜有飛霜。柿正丹時橘半黃。轉枕卻尋驚斷夢。
撥鑪偶見爇殘香。醫無絕熱空三易。死與浮生已兩忘。
拈得一書還嬾看。臥聽孫子誦琅琅。

陳訂曰。放翁一生精力盡於七律。故全集所載最多。
最佳古詩。稍有鬆處。然至其精彩發露。自斑駁可愛。

示兒

死去元知萬事空。但悲不見九州同。王師北定中原日。
家祭無忘告乃翁。爾答風月。歐南之。蘇文非。欲。幾。且。日。
祖應世曰。放翁易簀嘉定中國弱已極。而尙作此想。

其齋志可悲矣

褚人穫曰示兒一絕有三呼渡河之意

周之麟曰觀於家祭無忘之語千秋而下亦爲長慟
此其用心與子美何以異哉

卷四十七

天

如其用心與子美何以異哉

風之麟曰觀於家祭無忘之語千秋而下亦爲長慟

褚人穫曰示兒一絕有三呼渡河之意

其齋志可悲矣

